

I. N. I.

ΠΕΡΙ ΤΗΣ

ΔΙΑΤΑΞ

SIVE DE

CONSTITUT

APOSTOL

DISSERTATIONEM

PRIORE

Suffragio Amplissimi Sen

in celeberrima Ac

L I P S I E N

SUB PRAESID

VIRI PRÆCLA

DOMIN

M. CAROLI FR

P E Z O I

Pirnensis,

Fautoris fui ætate


ad diem 21. Decem

Publicæ, sed placidæ Συμφιλολ  
proponit


JOHANNES SAMUEL

Wratisl. Siles. S. S. Theol

A. & R



LIPSIÆ, Literis Bra

I. N. 1.  
EPI THE  
AXEΩΣ,  
VE DE  
UTIONIBUS  
TOLICIS,  
NEM HISTORICAM  
OREM,  
mi Senatus Philosophici  
rima ACADEMIA  
E N S I U M  
PRAESIDIO  
ECLARISSIMI  
OMINI  
I FRIEDERICI  
OLDI,  
rnensis,  
ætatem colendi,  
Decembr, 1698.  
εὐμφιλολογῶν disquisitioni  
proponit  
MUEL WEIDNERUS,  
S. Theol. & Philos. Stud.  
& R.  
  
ris Brandenburgerianis.

RECEIVED

1935

RECEIVED

1935

1935

1935

1935

1935

1935


X 1935

49

699

1

1



## CAPUT I.

# DE INVENTORE, EDITIONIBUS VARIIS, COMMENTATORIBUS, ET CODICE MANUSCRIPTO,

### §. I.

**I**TTIGIUS Theologus, Vir laude nostra major, in solidissima prorsus de *Pseudepi- graphis CHRISTI, MARIE & APOSTOLORUM* dissertatione Cap. XII. §. I. sequ. & invento- ris, & variarum editionum Constitutionum Apostolicarum mentionem facit. Conjungit ve- rò inventorem, inventorisque editam inventi epitomen, dum Constitutionum Apostolicarum, in Insu- la Creta à CAROLO CAPELLIO inventarum epitomen ipsum inventorem Ingolstadii A. C. 1546. in lucem publicam emisisse, perhibet. Inventoris tamen nomine allato, nemini in mentem veniat quæsumus, ac si eadem voce autorem, cui forsitan hæ Constitutiones aliàs assignari consueverunt, vel Collectorem innuissimus; sed eum eâ significavimus, qui neglectas hætenus & obesas, oblivionive penè traditas Constitutiones Apostolicas eruit, atque in lucem protrahendo ex orco veluti re- vocavit, eruditorumque oculis stitit.

§. II.

Inventis igitur his Constitutionibus, variae earum editiones adornatae sunt. Hac enim in re Bovii & Turriani, ac Surii, Nicolinive, Binii atque Ducæi, Labbei & tandem Cotelerii opera laudatur. Sed neque Clerici in dustria sicco, quod dicitur, pede prætereunda est.

§. III.

Et *JOHANNEM CAROLUM BOVIUM* quod attinet, Episcopum Ostunensem, Venetiis A. C. 1563. ex Jordani Zileti officina integrum Constitutionum Apostolicarum opus latine à se redditum, prolixo præfamine laudatum, notisque suis explanatum prodire is jussit: Et quidem cum Privilegio Summi Pontificis, deinde tandem etiam Cæsareæ Majestatis, & Illustrissimi Senatus Veneti.

§. IV.

Sed quemadmodum Venetiis anno superioris seculi 63. ex officina Jordani Zileti Bovianæ Constitutiones prodierunt; ita in eadem urbe Veneta, eodem anno, & ex eadem officina, *FRANCISCUS TURRIANUS* Apostolicas Constitutiones græcè edidit, suaq; prolegomena & scholia itidem græcè scripta addidit. Neque minus idem Turrianus has constitutiones nova versione latina donavit, quam cum proluxa præfatione & scholiis & explanationibus apologeticis Antverpiæ A. C. 1578. Plantinianis typis impressam publici juris fecit.

§. V.

*LAURENTIO* quidem *SURIO* Bovianam Constitutionum editionem, etiam inter Clementis Romani opera, Parisiis A. C. 1568. edita, vulgatam, suæ Conciliorum

rum Collectioni Colonienſibus typis 1567. publicatæ inferere placuit. Proſtant hæc Concilia Tomis IV.

§. VI.

Eædem Constitutiones ex Verſione Franciſci Turriani cum ejusdem præfatione & notis in proximè ſequenti Conciliorum Collectione, quam 1585. ex officina ſua *DOMINICUS NICOLINUS*, Tomis V. Venetiis emiſit, exhibentur.

§. VII.

Pariter easdem Constitutiones ex Turriani Interpretatione *SEVERINUS BINIUS* in priore ſua Conciliorum Collectione, quæ Coloniae A. C. 1606. lucem publicam adſpexit, iterum dedit, etſi ſola verſione contentus, prolegomena, cæterumque Turriani apparatus omiſerit.

§. VIII.

Quamvis autem in altera ſua Conciliorum Collectione, quæ 1618. prodiit, ipſas Constitutiones Apoſtolicas Binius planè neglexerit: defectum tamen hunc eodem anno 1618. *FRONTO DUCÆUS* compenſavit, cum Zonaræ in Canones Apoſtolorum & Conciliorum Scholia Pariſiis edidit, & ſimul Constitutiones Apoſtolicas græcæ cum latina Turriani interpretatione ex editione græca Veneta, & latina Antverpienſi iterum expreſſit. Fuit hic Ducæus, Judice Caveo, (a) Jeſuitarum in erudendis Eccleſiæ græcæ monumentis doctiſſimus.

§. IX.

Quem imitatus *LABBEUS* eſt, in Conciliis ſuis itidem græcum Constitutionum Apoſtolicarum textum

A 3

cum

(a) *Gvil, Cave Historia Literaria, Sec. Apoſt. p. 14.*

cum latina Turriani versione conjungens. Prostat *Philip. Labbei & Gabr. Cossartii Collectio Conciliorum Lutet. Paris. 1672. sqqvv. Tomis quindecim.*

§ X.

Novissima Constitutionum Apostolicarum editio est, quam inter opera Patrum Apostolicis temporibus florentium, à *JOHANNE BAPTISTA COTELERIO* edita, invenire licet. Quæ Cotelariana Patrum Apostolicorum Collectio hætenus rarissima, quippe exemplarium copia per incendium Parisiis absumpta, nunc iterum in Belgio cum doctissimi *JOHANNIS CLERICI*, aliorumq; accessionibus prodiit, Antverp. 1698. Volumina extant duo. Atque hæc Constitutionum editio est, *cujus paginas in nostris Dissertationibus citare allubuit.*

§. XI.

Missis Constitutionum Apostolicarum editionibus, codicem Manuscriptum commemorabimus, quem *VINDOBONENSIS BIBLIOTHECA* adservat, quemque *PETRUS LAMBECIUS*, Consiliarius, Historiographus, & Bibliothecarius quondam Viennensis, ob venerandam antiquitatem suam dignissimum judicat, ut cum eo impressæ editiones à capite ad calcem conferantur. Vide de hoc Codice MSS. *LAMBECIUM*, Comment. de Biblioth. Cæs. Vindobon. lib. VIII. p. m. 453. 454. 455.

CAPUT II.

IN AUTOREM CONSTITUTIONUM  
APOSTOLICARUM INQUIRENS, AN  
IS CLEMENS ROMANUS SIT?

§. I.

**S**I ipsius Constitutionum Apostolicarum Autoris judicio standum est, quando lib. VI. in falsarios & impostores, qui

qui Cerebri sui figmenta Apostolis supposuerunt, invenitur, (a) eosque non ex nominibus, quæ mala fraude suis operibus præfigunt, sed ex rebus, & ex rectis inflexisque sententiis dignoscendos judicat: Profecto Autoris semetipsum suo ipsius iudicio damnavit. Quandoquidem si res & sententias libris octo Constitutionum Apostolicarum comprehensas consideramus, clarè patet, à pessimo quodam impostore octo illos libros Apostolis tanquam autoribus, & *CLEMENTI ROMANO* tanquam Collectori, suppositos fuisse. Inde etiam est, cur Celeberrimus noster *RECHENBERGIUS* (b) scriptorum ævi primi Ecclesiasticorum scripta vel dubiæ fidei, vel planè sublestæ esse affirmet, & ad posterius hoc suppositiorum genus Constituitonum Apostol. Libos. VIII. referat.

## §. II.

Atque huic etiam *CLEMENTI*, Viro Apostolico, vel Apostolorum æquali, Constitutiones Apostolicæ à *RICHARDO MONTACUTIO*, doctissimo inter Reformatos Viro, attribuuntur. (c) Inde hac verborum pompa sanctum Constitutionum harum autorem defendit, quando *unum*, inquit, *ex antiquissimis & illum, qui erat Apostolorum* συμφοιτητής & συμπράκτωρ, facile principem & primariæ autoritatis non præteribo, Clementem nimirum τὸν Διατάγέα.

## §. III.

Sed quemadmodum Constitutiones Apostolicas Clemens Romanus, tanquam nomine suo indignas adspernatur, uti id infra clarè patebit: ita apparet,

(a) *Lib. VI. c. XVI. p. 344.*

(b) *Rechenb. Hist. Eccles. Sect. 2. c. 1. §. II. p. m. 28. sqv.*

(c) *Montac. apparatus II. ad origines Ecclesiasticas p. 394.*



paret, iudicia quorundam de Constitutionibus his Pontificiorum non ritè sese habere : quod si v. gr. *STAPLETONUS* nullam rationem ob stare putat, (d) quin si præfens Ecclesia Constitutiones à Clemente editas, in Scripturæ sacrae Canonem referret, eas æque ut Epistolam Jacobi pro Canonico sacri codicis scripto haberi deberet.

§. IV.

Sed quid strenuus hic Pontificiæ Religionis Defensor Clementem editorem nominat ? Si enim hoc cum Veritate consentit, supinae negligentia, imò impietatis accusandi sunt Romani Pontifices, qui in perpetua tot annorum successione thesaurum huncce apostolicum non custodiverunt. Quandoquidem [ex Cap. I. §. 2. constat, quod Carolus Capellius, Venetus, circa medium ferè seculi superioris eas denuò invenerit], orbi-que Christiano communicaverit.

§. V.

Itaque si Clementis Romani nomine Constitutiones hæ indignæ sunt, næ Apostolorum autoritate indignissimæ existent. Minus adhuc absurde Constitutionum Apostolicarum Collector *CLEMENS ALEXANDRINUS* statui posset, quam Clemens Romanus. Sicuti hæc etiam sententiæ *GVILIELMUS BEVEREGIUS* in notis ad *Canon. Apostol.* ad stipulatur. Cum enim hæ Constitutiones nihil minus, quam genium Apostolorum prodant, uti id nos caput subsequens edocebit ; quare ad sequiora tempora, & non ad apostolica, rectius possent referri. Jam verò Clemens Alexandrinus Irenæum proxime sequutus fuit, & anno Christi centesimo nonagesi-

(d) *Stapl. Princ. Fid. doctrin. contr. 5. q. 2. artic. 3.*

nonagesimo sexto claruit, uti *ABRAH. SCULTETUS* in Medulla Theologiæ Patrum, Ambergæ 1598. edita, testatur. p. m. 123. Conf. Excellentiss. Dn. *L. RECHENBERGII* Hist. Eccles. Sect. 2. §. 12. p. m. 51.

§. VI.

Utrique autores, & Canonum Apostolicorum, & Constitutionum Apostolicarum gravissimam pœnam meruerunt; ille secundum proprios, hic secundum alienos canones. Siquidem in Canone LX. Canonum Apostol. eos, qui libros Pseudepigraphos tanquam sanctos in Ecclesia publicaverint, exauctorari debere præcipitur.

§. VII.

Quod verò Clemens Romanus Constitutionum harum autor nequicquam sit, apertissimè patet, quia *EUSEBIUS*, seculi quarti scriptor, de Clementis scriptis ex instituto agens, nihil planè edisserit. Contentus igitur est Clemens noster, si Epistolam, quam Ecclesiæ Romanæ nomine ad Corinthios scripsit, olim in Ecclesiis publicè prælectam, ipsi relinquamus. Enimverò Eusebius non nisi hujus Epistolæ mentionem facit. (f) Sed cur *Διαπαγών*, aut *διδασχῆς* non meminit? Certè quia nullas noverat. Namque si quæ tum extitissent ejus nomine vel Constitutiones, vel etiam doctrinæ Apostolorum, eas haud dubiè non omisisset. Ita vero *τὰ τε δὴ*, inquit, *ἐν ὁμολογευμένην αἰὰ ἐπιστολὴν Φέρεται, μεγάλην τε καὶ θαυμασίαν, ἣν ὡς ἀπὸ τῆς Ῥωμαίων Ἐκκλησίας τῇ Κορινθίων ἐτυπώσαντο, εἰσεως τηνικάδε κατὰ Κόρινθον ἡρμομένης. Τάυτην δὲ καὶ ἐν πλείσταις ἐκκλησίαις ἀπὸ τοῦ κοινοῦ δεδημοσιευμένην πάλαι τε καὶ καθ' ἡμᾶς ἀνθρώποις ἐγνωμῶν.* Hujus verò Clementis una fertur Episto-

B

la,

(f) Hist. Eccles. Lib. III. c. 15. 16. edit. græcæ, latine c. 12.

la, omnium iudicio approbata, illustris illa quidem & digna  
 planè admiratione ; quam tanquam ex Ecclesia Romana perso-  
 na ad Corinthiorum Ecclesiam tum quidem exaravit, cum jam  
 Corinto gravis esset inserta seditio. Hanc sane cum veterum,  
 tum nostra ipsorum memoria, plurimis in Ecclesiis publicè le-  
 ctam, usurpatamq; cognovimus. Obsecro fidem tuam, be-  
 nevole Lector, illas Apostolorum dictas doctrinas, si  
 eæ Clementis nomen, seu verè seu falsò præferebant,  
 cur hoc loco eas omisit Eusebius, in quo de Clementis  
 Romani operibus velut ex professo agit. Certe, non omi-  
 sisset si scivisset, scivisset autem si Clemens autor fuisset.

#### §. VIII.

Accedit, quod vero non videatur simile, Clemen-  
 tem Episcopum Romanum, non Romanis, sed græcis  
 literis mysteria Apostolica mandasse. Uti enim cui-  
 bet fideli Pastori proprius grex charissimus est ; ita non  
 dubitandum, quin Apostolicus hic Clemens non alius  
 magis populi, quàm Romanorum salutem promoverè  
 studuerit, adeoque non græcè, sed latinè omnia memo-  
 riæ prodiderit.

#### §. IX.

Atque illud quidem, quod hic Clementi Romano  
 adscribitur, Διατάξεις vocatur : Quadoquidem Paulus  
 1. Corinth. XI. v. 34. dicat : cætera cum venero *ἀνατάξω*  
 disponam, *constituam*. Vætamen miseræ huic conse-  
 quentiæ : Paulus disponere quædam voluit ; ergò in  
 his Constitutionibus hæ dispositiones extant. Cæte-  
 rum à Patribus hi Constitutionum libri variè appellan-  
 tur : sic enim Athanasius doctrinam Apostolorum no-  
 minat ; Chrysostomus & Johannes Damascenus Ca-  
 nones ; Oecumenius diatyposin, h. e. informationem

& institutionem ; quæ tamen voces in inscriptione idem valere solent. Communius verò & frequentius est, ut diataxes inscribantur. Quâ voce non Ignatius modo, cum de iis ageret, sed & ipse Paulus usus est, quando hujusmodi ecclesiasticæ oeconomix leges præscribit. Vide Bovium in Præf. ad Constit. Apost. p. m. 15.

### CAPUT III. AUTORES CONSTITUTIONUM APOSTOLICARUM AUTORITATEM REJICIENTES, EORUMQUE RATIONES SISTENS.

#### §. I.

**O**peræ pretium existimamus, ut nonnulla de autoribus, qui Constitutionum harum autoritatem meritò destruunt, differamus, ac quibus id rationibus commode fieri possit, recenseamus.

#### §. II.

Sicuti verò nemo facile docebit, quæ tandem illa τὰ κλοπιμαίως ἐμῆβλημὲν sint : ita non facile quis consentire cum *Aristino* potest : (a) utpote qui decretum Can. II. Concilii Constantinop. in Trullo, ita effert : τὰ ὡς τῶν ἐπερδόξων κλοπιμαίως ἐμῆβλημὲν ταῖς Ἀγ. κλήμει τῶν Ἀποστόλων διατάξουσιν ἀποκήρυκτα. *Quæ Apostolorum Constitutionibus, Clementis opera editis, furtim ab Hæreticis inserta sunt, repudianda.*

#### §. III.

Rectius *ZONARAS* & *BALSAMON*. Is enim : (b) πάλιν ἡ βιβλία, αἰτ, ὅτι τῶν ἀσεβῶν ἐνοχλήθησαν εἰς βλάβην τῶν

B 2

ἀπλs-

(a) *Aristinus in Synopsi Canonum Concilii Constantinopol. Can. VII.*

(b) *Zonaras ad Canon, LXXX. Apost. p. 36.*

ἀπλαστέρων ὥσπερ καὶ οἱ Δα' τῶ ἀγίῳ κλήμει· γράφεισιν τοῖς  
 Ἐπισκόποις ἀποστολικῶν Διαταγῶν, αἱ Δα' τῶτο καὶ συνοδικῶς ἀπε-  
 βλήθησαν. Ab impiis & scelestis hominibus suppositi li-  
 bri multi fuerunt in perniciem simpliciorum: quem-  
 admodum etiam Episcopis per sanctum Clementem  
 scriptæ apostolicæ Constitutiones, quæ propterea etiam  
 Synodicè rejectæ sunt. Idem quoque: Δε' Φορὰ, inquit, (c)  
 νόθα συγγραμμάτα καὶ ψευδεπιγραφὰ ἦσαν, ἣ καὶ εἰσί. τὰ δ' ἢ καὶ  
 νενοθυμένα, οἷα καὶ αἱ Δα' ἔκ κλήμει· ἐκπεφωνημένα Διαταγαί.  
 Καὶ αὐταὶ γάρ ὡς κακοδόξων πινῶν ἐνοχλήθησάν τε καὶ παρεφθά-  
 ρησαν. Διὸ καὶ ἀναγινώσκοντες ὅλως αὐτάς ἀπηγόρευον ἢ οἰκμε-  
 νικὴ ἔκτῃ Συνόδῳ ἐν κεφαλαίῳ δόκιμῳ τῶν παρ' αὐτῆς περὶ τῶν  
 κανόνων. *Varia adulterina & falsè inscripta erant, & adhuc  
 sunt scripta; alia verò etiam corrupta, cujusmodi etiam sunt  
 per Clementem promulgatæ Constitutiones: nam etiam illæ ab  
 Hæreticis quibusdam adulteratæ & corruptæ sunt; propterea  
 earum lectionem prorsus interdixit sexta Synodus Universalis,  
 Capite secundo Canonum ab ipsa positorum.*

#### §. IV.

*THEODORUM BALSAMONEM* ita differentem animad-  
 vertimus: (d) Σὺ δ' ἢ γινώσκεις, ὥς εἰ καὶ γέγραπται ἐν ταυτοῖς ἀνα-  
 γινώσκεις ἡμᾶς τὰς Διαταγὰς τῆς κλήμει·, πλὴν μὴ δημοσιεύειν  
 αὐτάς, ἀλλ' οὐδέποτε κανὼν τῆς ἑκτῆς Συνόδου ἀπηγόρευσε τὴν τῶ-  
 των ἀνάγνωσιν, Δα' τὸ γράφει ὡς ποίησιν ἐν αὐταῖς. Tu verò  
 scias, etsi hic scriptum sit, nos legere Constitutiones Clementis,  
 eas tamen non divulgare, secundus Canon synodi sexta earum  
 lectionem prohibuit, propterea quod corruptæ sint.

#### §. V.

Non tamen duntaxat his rivulis contenti erimus,  
 fed

(c) Zon. ad Can. Apost. LXXXV. p. 43.

(d) Balsam. ad Can. Apost. LXXXV. p. 271.

sed fontem etiam ipsum in has paginas derivabimus. Nam *CANON II.* Concilii Constantinopolitani in Trullo ita sese habet : quoniam his ipsis ( videlicet Apostolorum ) Canonibus mandatum est, ut recipiamus eorundem sanctorum Apostolorum per Clementem Constitutiones, quibus jam pridem ab Heterodoxis, non sine Ecclesiæ perniciæ, quædam adulterina & Ecclesiæ peregrina inserta sunt, quæ decentem pulchritudinem divinorum dogmatum nobis obfuscant : hujusmodi ergo Constitutiones convenienter abjecimus, ad christianissimi gregis ædificationem & securitatem minime inferentes hæreticæ falsiloquentiæ sætum, & genuinæ atque sinceræ Apostolorum doctrinæ immiscentes : *Επειδὴ ἐν ταῖς τοῖς καὶνοῖς ἐντέλλαι δέχεσθαι ἡμᾶς, τὰς τῶν ἁγίων ἀποστόλων διὰ κλήρω/σιν διατάξεις, αἷς τις πάλαι ὑπὸ τῶν ἐπιδόξων, ὑπὲρ ἐκκλησίας παρενείεθσαν, τὸ εὐπρεπὲς καὶ τῶν θείων δογμάτων ἡμῖν ἀμαυρώσαντα, τὴν τῶν ποιῶν διατάξεων περὶ φεως δόξαν πεινρήματα, πρὸς τὴν τῆς χριστιανικῆς ποιμνίας οἰκονομίαν καὶ ἀσφάλειαν, ὁδομαῶς ἐγκρίνοντες τὰ τῆς αἵρετικῆς ψευδοδόξας κηρύματα, καὶ τῇ γνησίᾳ, τῶν ἀποστόλων καὶ ὁλοκληρῇ διδασκῇ παρενείργοντες.*

#### §. VI.

*Baronii* quin eadem fuerit de his Constitutionibus sententia dubitandum non videtur. Cum enim quædam ex iisdem sibi ipsi de Mariæ Magdalenæ à Maria Lazari sorore diversitate objecisset, uno verbo se his liberari posse existimat, si apocryphum esse librum excipiat. (e) Ex cujus quoque verbis, l. c. positis, clarum, quod Veteribus ignotus fuerit Constitutionum liber, conficiens falsum, & ab homine Clementis ævo recentiore confictum.

VII. De

§. VII.

De *DIONYSIO* quoque *PETAVIO* constat, quô nemo in ea, quam falsò vocant, *JESU* Societate, eruditionis & doctrinæ nominis clarior vixisse dicitur, eum tantum ab eo abfuisse, ut eas, quas nunc habemus Constitutiones, verè Apostolorum vel Clementis esse putaverit, ut illas potius dubias ac incertas, controversæque fidei judicaverit. Hinc asserit: (f) quod nugetur Pseudo-diataxis Clementis, & *γενωδης, anilia*, proferat.

§. VIII.

Quæ Clementis nomine Apostolicæ Constitutiones circumferuntur, non sunt ejus fidei, ut in rebus ad religionem pertinentibus autoritatem habeant decisivam. Sive enim jam ab initio Clementis nomine suppositus, sive ab Hæreticis postea interpolatus, atq; adulteratus fuerit hic liber, constat, suspectam esse ejus autoritatem. Ita *JACOBUS DAVIUS PERRONIUS CARDINALIS*, (g) cujus nomine nullum ferè est apud adversarios illustrius, de Sancto scilicet Constitutionum harum Valore differit.

§. IX.

Præterea possem ad Cardinalem *BELLARMINUM*; (h) possem ad Gabriel. *ALBASPINEUM*, Aurelianensem Episcopum; (i) possem ad Christianum *LUPUM*; (k) possem ad *NATALEM ALEXANDRUM*; (l) possem ad alios progredi, horum-

(f) *Petavius ad exposit. fid. p. 349.*

(g) *Perronius Repl. lib. I. c. 24.*

(h) *Bellarmin. lib. de Scriptor. Eccles. Sec. I. in Clemente p. 53.*

(i) *Gabr. Albaspinus Observ. Eccles. I. c. XIII. p. 37.*

(k) *Christ. Lupus in Scholiis ad Canones Conciliorum Part. 2. p. 867. sqv.*

(l) *Natal. Alexander Dissertat. XVIII. Secul. I.*

rumq; auctoritatem Bovio Papistæ, Bovianisq; affectis opponere, cum & hi Constitutiones apocryphas esse, Clementisque nomen mentiri affirmant, pagellarum tamen angustia id facere prohibeor.

§. X.

Non tamen silentio prætereundi Duumviri sunt, alter *ITTIGIUS* venerandus est, alter ille celeberrimus olim ex Reformatis *Jo. DALLÆUS* est. Atque hōc quidem nemo prolixius Constitutionum Apostolicarum antiquitatem & auctoritatem impugnavit. Videatur Tractatus ejus de Pseudepigraphis Apostolicis. Unde doctissimus Anglus *WILLIAM CAVE* im ersten Christenthum/ cujus libri versio Germanica Lipsiæ apud I. Th. Fritschium 1696. prostat, p. 20. sqv. dicit: Der Constitutionen gangenes Apostolisches Wesen ist von dem gelehrten Daillee auf ewig zerstöhret und zernichtet worden. Illo autem, videlicet Ittigio, nemo nervosius solidiusve adversariorum objectiones removit. Conferatur ipsius Dissertatio de Pseudepigraphis Christi, Mariæ & Apostolorum Cap. XII.

XI.

Nequē recedit ab horum sententia Ludovicus Elias du PIN, in Bibliotheca sua Ecclesiastica, quam novem Tomis Paris. 1693. gallicè prodiisse legimus: Tomo statim primo, ubi de Clementis Romani scriptis fusius agit.

XII.

Progredieremur ad theologicas rationes; quibus commodè Constitutionum Apostolicarum auctoritas impugnari ac destrui posset, nisi quæstio hæc historicè tantum hic pertractanda esset. v. gr. quando hi *Διακονοί* vocabula *Episcopi* & *Presbyteri*, tanquam sensu & significatione distincta, seorsim, nunquam verò promiscuè usurpant. (m)

it.



it. quando DEUM Patrem sola voluntate mundi creationem effecisse dicunt, quam Christus iussus est facere, (n) it. quod Christus potestatem creandi ac providendi à Patre acceperit, uti Diaconus per se moderetur quacumq; possit, facta ab Episcopo potestate. (o) Item quando Hæreticis exserte tribuunt, Jesum dicere τὸν ὄντι πάντων Θεὸν εὐλογητὸν εἰς τὰς αἰῶνας. (p) De quodicto videre est Magnifici Dn. D. CARPZOVII, Evergetæ ac Benefactoris summi Disp. Theolog. de Divinitate Christi. it. Patrem genuisse Filium ante secula βελησθῆ καὶ δυνάμει καὶ ἀγαθότητι, vel τῇ εὐδοκίᾳ, (q) voluntate & potentia & bonitate & beneplacito suo; item quando non magnificentius de Spiritu S. verba faciunt οἱ Ἀποστολῆς, dum eum à Christo doceri dicunt, (r) nosque in eum non tanquam in Dominum DEUM, sed tantum velut in testem baptizari debere affirmant. (s) it. quando Diaconissam figuram habere Spiritus S. quæ nihil sine Diacono facere debeat, ajunt. Allegabimus ipsa Constitutionum verba; (t) Ο ἱ Ἀπόστολοι τὰ τῶ πατρὸς ὡς ὁ Χριστὸς τῷ πατρὶ, καὶ λειτουργοῦν αὐτῷ ὡς πᾶσιν αἰεμίῳ, ὡς ὁ Χριστὸς ἀφ' ἑαυτοῦ πῶν ἔδεν, τὰ ἀρετὰ ποιῶν τῷ πατρὶ πάντοτε. Ἡ ἡ Ἀπόστολος εἰς τύπον ἡ αἰῶν πνεύματος πεποιηθῶ ὑμῖν, μηδὲν ἀντὶ τῶ Ἀποστόλου πρῶτον ἡ Φεγγομένη, ὡς ἔδεν ὁ ὁδοῦ ἡ ἀφ' ἑαυτοῦ π λαλή, ἡ ποιῶν, ἀλλὰ δοξάζων τὸν Χριστὸν ὡς ἐκείνῳ τὸ ἐκείνῳ θέλημα. it. quando hic impostor DEUM Patrem vocat Spiritus Dominum,

©

τῶ

(n) Lib. V. c. VII. p. 307.

(o) Lib. 2. c. 44.

(p) Lib. VI. c. XXVI. p. 355.

(q) Lib. VII. c. XII. p. 399.

(r) Lib. III. c. 17. p. 289.

(s) ibid. p. 288.

(t) Lib. 2. c. 26. p. 239.

τὸ πνεῦμα) & κύριον, (u) & *Spiritus potēti*, sive *effectorem*.  
(vv) Quæ tamen omnia Dnn. Theologis castiganda  
relinquimus.

S. XIII.

Sed nec cætera neq; pauca neq; levia dogmata sub  
examen hic revocare licet, in quib9 palam est, Turria-  
ni ac Bovii διδασκαλίας ab Apostolorum doctrina graviter  
dissentire : v. gr. quando mites ac indulgentes διδασ-  
καλίας sese exhibent, ac ancillis, ut cum heris infideli-  
bus, modo solis, consuescere valeant, concedunt :  
παιδαγωγίᾳ, τὴν αὐτῶν δόξαν, ἐκείνῳ μόνῳ χολάζουσι, προσδεχέ-  
σθω. Ei ἣ καὶ πρὸς ἄλλους ἀπελγαίνῃ, διαποταλλέσθω. *Pellex, in-*  
*fidelis cujusdam ancilla, soli Domino obsequens recipiatur :*  
*Si cum aliis intemperans fuerit rejiciatur.* Item quando  
iidem novo, nescio quo, spiritu perciti decernunt :  
τετραγώνιον ἀνεχθίας σημεῖον εἶναι, τὸ ὑπὲρ τὴν τετραγώνιον προ-  
φανῆν πορνείαν, καὶ ἀσελγείαν εἶναι ἀμφίβολον, (x) *tertium con-*  
*jugium intemperantia signum esse, quartum verò conjugium*  
*est deinceps, manifestam esse scortationem, est indubitatam*  
*inapudicitiam.* it. quando *Baptismum Hæreticorum* valere  
inficiantur, (y) ut adeo rebaprizen ab Hæreticis qui-  
busvis tinctos ; quoniam id modo baptismum suscipien-  
dum profitentur, quod πρὸς τὰν ἀμέμπτων ἱερῶν, ab *in-*  
*culpatis est irreprehensibilibus* sacerdotibus ministratum  
fit. it. quando Constitutiones hæ verè ministros Dei  
esse negant, qui vel ἀγνοία vel κακονοία, ignorantia &  
*improbitate* laborent, (z) it. quando ἐνοχον ἀμαρτίας,

C

reum

(u) *Lib. VIII. c. 37. init. p. m. 416.*

(vv) *Lib. VI. c. 2. p. 340.*

(x) *Lib. III. c. 2. p. 275.*

(y) *Lib. VI. c. XV. init. p. m. 344.*

(z) *Lib. VIII. c. 2. p. 389.*

reum peccati pronunciant, qui die Dominico jejunaverit. (aa) it. quando *Baptizando jejunium* præcipiunt: *ὁ δὲ βαπτισμαῖς, ἡσυχαστὴς ὁ βαπτισόμενος*. item: *ὁ δὲ εἰς χερσὶν ἰδίατον μυστήριον, πρὶν τὸν ὀφθαλμὸν ἡσυχῆσαι, καὶ τότε βαπτισαῖς*. *Jejunet autem ante baptismum is qui baptizatur. it. Qui verò in mortem Christi baptizatur, debet prius jejunare, deinde baptizari.* (bb)

### S. XIII.

Ejusdem quoque abollæ est, quando nostri Διακονοὶ fidelem à Catechumeno tanto spatio disternant, (cc) ut illum ne domi quidem cum hoc precari fas putent. Hinc ita loquuntur: *πιστὸς μὲν καὶ ἡλικίᾳ καὶ κατ' οἶκον προσδεχέσθω. οὐ γὰρ δίκαιον τὸν μέμυμένον μετὰ τῷ ἀμύητῃ συμμολύνεσθαι*. *Fidelis ne domi quidem precetur cum Catechumeno. Non enim justum est, ut initiatus cum non-initiato inquinetur.* it. Quando in iisdem Pseudoapostolicis Constitutionibus oratio Dominica ter quotidie à quibusvis fidelibus recitanda injungitur: (dd) *τοῖς τῆς ἡμέρας ἑκάστης προσδεχέσθε, ad hunc modum ter precamini singulis diebus.* En ritum egregium valde:

*Numero Deus impare gaudet.*

it. oportere eum, qui pastor est & Episcopus in Ecclesiis totius Paræciæ constitutus, non minorem natu esse, quam annorum quinquaginta: *τὸν ποιμένα τὸν καθιστάμενον ἐπίσκοπον εἰς τὰς ἑκκλησίας ἐν πάσῃ παρρησίᾳ δεῖν ὑπάρχειν ὅσην ἐλάττουνα ἐτῶν πενήτηκον*. Ex his rationibus Theologi, quod hæ Constitutiones ab apostolica Veritate & circa dogmata, & circa disciplinam & ritus ecclesiasticos alienissimæ sint,

(aa) *Lib. V. c. XX. extr. p. 328.*

(bb) *Lib. VII. c. XXII. p. 368. sqv.*

(cc) *Lib. VIII. c. XXXIV. extr.*

(dd) *Lib. VII. c. XXIV. extr. p. Cler. edit. 370.*

sint, probare, & argumentis idoneis evincere possunt, à quibus tractandis nos, in historia tantum occupati, hic abstinemus.

§. XIV.

Missis igitur his, quæ ad Theologi considerationem spectant, ad historica progrediemur, in quibus fides certa desideratur. Et quidem quod magna Constitutionum harum architecti cæcitas & φρενοβλασία, imo & impudentia extiterit, quam in recensenda Apostolorum historia adhibuit, vel inde liquet: quando non tantum STEPHANUM cum Paulo jam Apostolo congregatum præclaras has ἀγαθήας scribentem inducit: (ee) sed quando hunc ipsum etiam Stephanum, quem tamen condemnandis Constitutionibus præsentem fecerat, mortuum esse memorat, antequam hæ constitutiones fierent. (ff) Cum tamen ex scriptis ecclesiasticis constet, Paulum non nisi post Stephani Diaconi necem fuisse à Christo ad Apostolatam vocatum. (gg) Quis ergo Paulus cum Stephano, qui unus ex septem Diaconis fuit, (hh) congregatus esse, & Constitutiones has scribere potuisset? Et profecto, quid hoc sibi vult, aliquem præsentem & loquentem inducere, & tamen eum mortuum narrare?

§. XV.

Cæterum JACOBUS etiam, Zebedæi filius, Johannis frater, apud nostrum ἀγαθαία una cum cæteris Apostolis congregatus, & totam Concilii Hierosolymitani, (ii) septem annis post mortem suam habitum, hi-

C 2

tori-

(ee) *Lib. VIII. c. IV. p. 390.*

(ff) *Lib. VIII. c. 46. p. 422. it. Lib. V. c. 8. p. m. 310.*

(gg) *Act. VII. 57. & c. IX. v. 12.*

(hh) *Lib. VIII. c. 46. in fine, p. Cler. 422. (ii) Act. XV.*

storiam narrans, introducitur. (kk) Hunc tamen Jacobum ab Herode gladio interfectum esse, (ll) certum est, antequam Concilium illud Hierosolymitanum ab Apostolis habitum esset. Imò quod prodigiosius est, Jacobum Collegis, diu post illius Concilii tempora Constitutiones Apostolicas condentibus ac mittentibus, præsentem faterur noster Impostor. (mm) Nonne igitur inde certissimum *κακωλασία* duci posset argumentum? Cum inverecundissimo atque imperitissimo huic homini mortuos vivos conjungere, præterita futuraque miscere, mortuos resuscitare, tempora turbare, ludus & jocus fuerit.

§. XVI.

Atq; hæc quidem de iis dicta sunt, quæ *Ἀσλαγῆς* in Historia non uno modo peccarunt. Nunc ad disciplinam & ritus veniamus, in quibus non minor cernitur horum *Διαταγῶν* à veris Christi Apostolis diversitas. Quales igitur ritus Apostolorum sunt, quando in Eucharistia celebranda veste splendida indutus Episcopus incedere debuit? Quando Diaconi ex utraque parte altaris flabella ex tenuibus membranis, aut ex pennis pavonis, aut ex linteo tenere debuerunt, ut parva animalia volitantia abigere potuerint, ne in calices inciderent? Quas tamen disciplinas aut ritus Constitutiones, Apostolicæ vulgò creditæ, utique injunxerunt. Ita enim, *εὐχάριστος*, inquit, *καθ' ἑαυτὸν ὁ ἀρχιερεὺς ἀνα τοῖς ἱερῶσι, καὶ λαμπρὸν ἐσθλὸν μετὰ τοῦ &c. εἰπάτω.* (nn) Certe qui temporum Apostolicorum historiam, & Apostolorum studia ac mores ex veris scriptis didicerunt, haud facile credent, ve ex illius Ecclesiæ disciplina fuisse, ut Episcopus

(kk) *Lib. VI. c. XII. fin.* (ll) *Act. XII. v. 2.*

(mm) *Lib. VI. c. XIV. init. p. m. 343.* (nn) *Lib. VIII. c. XII. v. 399.*

pus in Veste splendida liturgiam faceret, vel id disertè præcipiendum ac jubendum putasse aut curasse Apostolos. Audi & alterum decretum, Lector Benevôle, quod grāve in primis & apostolica mente dignum planè est : Δύο ἢ Διάκονοι ἐξ ἐκατέρων τῶν μερῶν ἔσονται ἱερεῖς κατεχέτωσαν ἐξ ὑμῶν λεπτῶν ῥιπίδιον, ἢ περὶ τῶν πᾶν, ἢ ὁθόνης, καὶ ἡρεμα ἀποσβεῖτωσαν τὰ μικρὰ τῶν ἱπταμένων ζώων, ὅπως ἂν μὴ ἐγχεύμηνται εἰς τὰ κύπελλα. Tantum igitur Apostolis e re sua otii fuit, ut istas minutias sibi summe curandas existimaverint? Nemo sane faciliè id sibi persuaderi patietur. Præsertim cum inter omnes constet, altarium usum non nisi ab sequioribus seculis originem suam trahere solere.

§. XVII.

Cæterum, quò jure in iisdem Constitutionibus violatæ legis naturalis vir damnetur, qui uxorem in adulterio corruptam non dimittit, etiam non video. Ita enim ibi : ὡσαύτως ὁ κατέχων τὴν Διαφθαρθεῖσαν, φύσει ὡς ἡμεῖς πρᾶνόμε, similiter, qui corruptam retinet, natura legem ac institutionem violat. Is quidem jure ejus dimittendæ à lege concessio non utitur, fateor: ut ideo legem naturæ violare rectè dicatur, nulla ratio est. Aliud namque est legem violare, quod facit πρᾶνόμε; aliud est, id quod tibi per leges licet non usurpare. Quod quoque boni faciunt sæpius.

§. XVIII.

Ex his itaque patet, Epiphanium præsentis Διατάγας nequaquam intellexisse, quando ἀποστόλων Διατάξιν non esse ἀδόκιμον, reprobata, dicit : (οο) πᾶσα γὰρ ἐν αὐτῇ κανονικῇ τάξιν ἐμφέρεται, καὶ εἰδὲν πρᾶνεχαρραγμῶν τῆς πίστεως, εἰδὲ τῆς ὁμολογίας, εἰδὲ τῆς ἐκκλησιαστικῆς διοικήσεως, καὶ

ftoriam narrans, introducitur. (kk) Hunc tamen Jacobum ab Herode gladio interfectum esse, (ll) certum est, antequam Concilium illud Hierosolymitanum ab Apostolis habitum esset. Imo quod prodigiosius est, Jacobum Collegis, diu post illius Concilii tempora Constitutiones Apostolicas condentibus ac mittentibus, præsentem fatetur noster Impostor. (mm) Nonne igitur inde certissimum *κακοπλᾶσία* duci posset argumentum? Cum inverecundissimo atque imperitissimo huic homini mortuos vivos conjungere, præterita futuraque miscere, mortuos resuscitare, tempora turbare, ludus & jocus fuerit.

§. XVI.

Atq; hæc quidem de iis dicta sunt, quæ *διατάξεις* in Historia non uno modo peccarunt. Nunc *ad disciplinam & ritus* veniamus, in quibus non minor cernitur horum *διατάξεων* à veris Christi Apostolis diversitas. Quales igitur ritus Apostolorum sunt, quando in Eucharistia celebranda veste splendida indutus Episcopus incedere debuit? Quando Diaconi ex utraque parte altaris flabella ex tenuibus membranis, aut ex peninis pavonis, aut ex linteo tenere debuerunt, ut parva animalia volitantia abigere potuerint, ne in calices inciderent? Quas tamen disciplinas aut ritus Constitutiones, Apostolicæ vulgò creditæ, utique injunxerunt. Ita enim, *εὐχόμενοι*, inquit, *καὶ ἑαυτὸν ὁ ἀρχιερεὺς ὡς ἀπὸ τοῖς ἱεροῦσι, καὶ λαμπρὰν ἐδῆται μετωδὺς &c. εἰπάτω.* (nn) Certe qui temporum Apostolicorum historiam, & Apostolorum studia ac mores ex veris scriptis didicerunt, haud facile credent, velex illius Ecclesiæ disciplina fuisse, ut Episcopus

(kk) Lib. VI. c. XII. fm. (ll) Act. XII. v. 2.

(mm) Lib. VI. c. XIV. init. p. m. 343. (nn) Lib. VIII. c. XII. v. 399.

pus in Veste splendida liturgiam faceret, vel id diferte præcipiendum ac jubendum putasse aut curasse Apostolos. Audi & alterum decretum, Lector Benevole, quod grāve in primis & apostolica mente dignum planè est : Δύο ὃ Διάκονοι ἐξ ἑκατέρων τῶν μερῶν ἔθυσιασθ-  
 ρί'α κατέχουσιν ἐξ ὑμῶν λεπῶν ῥιπίδιον, ἢ περὶ τῶν ὀφόνης, καὶ ἡρεμα ἀποσβεῖται τὰ μικρὰ τῶν ἱππαμῶν ζώων, ὅπως ἀν μὴ ἐγχεῖμψονται εἰς τὰ κύπελλα. Tantum igitur Apostolis e re sua otii fuit, ut istas minutias sibi summe curandas existimaverint? Nemo sane facile id sibi persuaderi patietur. Præsertim cum inter omnes constet, altarium usum non nisi ab sequioribus seculis originem suam trahere solere.

§. XVII.

Cæterum, quò jure in iisdem Constitutionibus violata legis naturalis vir damnetur, qui uxorem in adulterio corruptam non dimittit, etiam non video. Ita enim ibi : ὡσαύτως ὁ κατέχων τὴν ἀφάρευσαν, φύσει ὡς θυσία ὁράνοιο, similiter, qui corruptam retinet, natura legem ac institutam violat. Is quidem jure ejus dimittendæ à lege concessio non utitur, fateor: ut ideo legem naturæ violare rectè dicatur, nulla ratio est. Aliud namque est legem violare, quod facit ὁράνοιο; aliud est, id quod tibi per leges licet non usurpare. Quod quoque boni faciunt sæpius,

§. XVIII.

Ex his itaque patet, Epiphanium præsentis ἀτάγας nequaquam intellexisse, quando ἀποδόλων ἀτάγῃ non esse ἀδόκιμον, reprobata, dicit : (οο) πᾶσα γὰρ ἐν αὐτῇ καλονικὴ τάξις ἐμφέρεται, καὶ εἰδὲν ὁρανευχαρῶν ἡμῶν τῆς πίστεως, εἰδὲ τῆς ὁμολογίας, εἰδὲ τῆς ἐκκλησιαστικῆς διοικήσεως,



καὶ κανόν, καὶ πίστις, quia omnis regularis ordo in ea habetur, & nihil in fide adulteratum, neq; in ecclesiastica gubernatione, & regula, & fide. Contrarium enim hactenus abundè ostendimus. Ut propterea spuria & fictitia Constitutionum Apostolicarum autoritate nihil sit certius.

§. XIX.

Viderint ergo Constitutionum harum Patroni ac defensores, an Apostolorum sit à Veritatis tramite aberrare, ac mentiri? Rectius nos Christi Apostolos, aut Apostolicos Viros sapientes ac verecundos, veracissimosque cum in omnibus, tum præsertim in divinis esse scimus. Eamque ob rationem iis τῶν Ἀποστόλων opus non sine insigni contumelia tribui posse arbitramur.

CAPUT IV.

DE CAUSIS, CUR PONTIFICII AUTORITATEM SÆPIUS DICTARUM CONSTITUTIONUM TUEANTUR.

§. I.

Nullum est dubium, quin Pontificii scriptores ob Statisticam rationem, Constitutionum harum antiquitatem venerari, auctoritatemque earum tueri soleant. Postquam enim divinas literas stabiliendæ suæ Religioni & Statûs Rationi non sufficereprehendunt; ad alia confugientes, ab iis auxiliatrices veluti manus petunt. Unde & præsentis Constitutionis suis hypothesibus inservire maxime arbitrantur.

§. II.

Unde hæ Ἀρχαῖαι dignitatis & potestatis elogia Episcopi R. quæ typhi fastusque secularis plenissima sunt,

sunt, continent. Ita namque disertè de Episcopo monent: Ὁ ἐπίσκοπος ἀρχὼν καὶ ἡγούμενος ὑμῶν. ἔστι ὑμῶν βασιλεὺς καὶ Δυνάστης. ἔστι ὑμῶν ἐπίγειος θεὸς μετὰ θεόν, ὃς ὁφείλει παρ' ὑμῶν τιμῆς δόξα λαβεῖν. Περὶ γὰρ τούτων καὶ τῶν ὁμοίων αὐτῶν ὁ θεὸς ἔλεγεν· Ἐγὼ εἶπα, θεοὶ ἐστέ καὶ υἱοὶ ὑψίστης πάντες. καὶ θεοὶ ὃ κακολογήσεις. Ὁ γὰρ ἐπίσκοπος προκαθεζέσθω ὑμῶν, ὡς θεὸς ἀξίως τιμημένος, ἡ κεφαλὴ τῆς κλήρης, καὶ τῆς λαοῦ παντός ἀρχή. (pp) Episcopus vobis præsideat, ut Princeps & Dux, ut Rex & Dynasta, ut Dei dignitate cohonestatus, qua Clero dominatur, & toti populo imperat! Satin' magnificè? De Episcopo iterum alibi: (qq) ἀρχεῖν σε χρὴ τῶν ὑπηκόων, ὃ μὲν καὶ ὑπ' αὐτῶν ἀρχεσθαι, te oportet subjectis imperare, non autem & tibi illos.

### §. III.

Attende verò & ad hoc, Lector benevole, effatum: θεὸς τόπον ἔχειν ἐν ἀνθρώποις τῶν πάντων ἀρχεῖν ἀνθρώπων, ἱερέων, βασιλέων, ἀρχόντων, πατέρων, υἱῶν, διδασκάλων, καὶ πάντων ὁμῶς τῶν ὑπηκόων, Episcopum scilicet *Dei exemplar apud homines habere*, eò quod omnibus hominibus imperat, ac præest, Sacerdotibus, Regibus, magistratibus, parentibus, filiis, & cunctis pariter subjectis. Heus! obsecro, nonne hæc verba aliquem vel veterum Persarum, vel hodiernorum Abyfinorum Regem, vel alti supercilii Satrapam potius, quam Christianum Episcopum effingere videntur? En quam amicè Pontificii & hi *Δεσπογεῖς* conspirent!

### §. IV.

Non obscure hanc causam prodit *ALANUS CORPUS*, quando summo Dei beneficio contigisse putat, quod *Constitutiones Apostolica, multis seculis recondita, ad repri-*

(pp) *Lib. II. c. XXVI. p. ed. Cler. .239.*

(qq) *Lib. II. c. XIV p. m. 223.*

reprimendam Magdeburgensi  
in lucem prodierint. Quem  
dus Tom. I. Confess. Cath

Faventillæ etiam coelibat  
to, quando statuunt, Clericis  
μὴ ἐξέρχαι ἀνδρῶν πρὸς χερσὶν  
χρᾶς. (ff) S.

Huc pertinet etiam, quod  
inquiens, *Traditiones, quæ n*  
*Apostolis commendata sunt, se*  
*tutione ad Ecclesias pervenerunt*  
*Pauli familiaris ac comes, atq*  
ut taceam, istam Pseudapo  
rum autorem, ἐγχεῖν & ἀ  
farcinasse; dum plurima h  
pertinentia, quæ aut plane  
immutata in veris Aposto  
tur: hoc duntaxat in med  
verum est, Clementem ea  
calamo sed ore tantum pro  
fet, Verbum aliquod dari  
ptum, sed sermone saltem  
nes nunc vocant. Per has  
*traditione orali æquè in Eccle*  
per Constitutiones isthas  
runt, antequam à Clemen  
tis consignarentur. De qu  
logis iudicium relinquim  
*stitutionum Apost. cum object*

*in posteriori Dissertatio*

(rr) Gerb. l. c. lib. I. p. 499. sq

(tt) Bovius in Prefat. ad Const



burghensium contra Sanctos insolentiam  
Quemadmodum istud B. Gerhar-  
ff. Catholicæ refert. (rr)

§. V.

in coelibatui inter Romanenses usita-  
t, Clericis uxorem ducere licitum non esse.  
Χειροτονία ἀγαθοῖς δὲν ἐν ἐκκλῆσι γάμον ἐξ-

§. VI.

iam, quod Bovius insinuat, (tt) has,  
es, quæ nullis literarum monumentis ab-  
sunt, sed sermone, & non scripta insti-  
tuerunt, collegit in unum Clemens  
omnes, atq; iis octo libris digessit. Verum  
pseudapostolum, Constitutionum ha-  
ραφα & ἀρχαφα nullo discrimine con-  
iurima habet & ad fidem, & ad ritus  
aut planè eadem, vel leviter tantum  
s Apostolorum monumentis legun-  
t in medium proferre lubet, quod, si  
ntem ea collegisse, quæ Apostoli non  
ntum protulerunt; verum etiam ef-  
od dari, à Viris Θεοπνεύστοις non scri-  
e saltem traditum. Id quod *Traditio*-  
Per has enim dogmata vitæ ac fidei  
in Ecclesia propagari, ac dogmata  
es isthas Apostolicas propagata fue-  
Clemente illo literarum monumen-  
r. De quibus tamen statuendi Theo-  
elinquimus. Cæterum *Defensores Con-*  
*um objectionibus, nostrisq; responsionibus,*  
*Dissertatione exhibebimus.* S. D. G.

I. p. 499. sqv. (ff) Lib. VI. c. XVII.

at. ad Constit. Apost. pag. 2.

